



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

In Cap. primum, juncto c. Cum in officiis 7. 8. & 9.

[urn:nbn:de:hbz:466:1-62169](#)

In Cap. primum, juncto c. Cum in officiis 7. 8. & 9.

SUMMARIA.

1. Episcopi & Clerici de quibus rebus disponere possint, vel non.
2. An aliquid proprii possideant.
3. Clericorum bona in dubio presumuntur quae ex redditibus Ecclesie.
4. Penes Clericum defunctum inventa qualia censenda propria, an Ecclesia.
5. Si non constet cum propria bona habuisse, interpretatione pro Ecclesie sciendo.
6. Nisi probetur ea ad Clericum titulo privato pervenisse, a parentibus soriè vel consanguinets, &c.
7. Quid si ab extrano reliqua sint?
8. Consanguinei ad quotum gradum accipiendi.
9. Acquisita artificio aut doctrinā sunt propria Clericorum.
10. Lettio restituta in can. Episcopus XII. quest. 2.
11. Clericus filius fam. an testari posse de bonis in clericatu acquisitus?
12. An in iisdem bonis præterire liberos vel parentes?
13. De acquisitis ex fructibus beneficii Clericus disponere nequit.
14. Nisi in piam causam & nsum pauperum.
15. Quod & in simplici beneficiato obtinet.
16. Clerici utrum sint verò dominii fructuum beneficii.
17. Acquisita ex redditibus Ecclesia an ipso iure Ecclesia cedant?
18. An valeat consuetudo testandi de fructibus sive redditibus Ecclesia.

Sententia hujus Capitis haec est, quod Episcopus de bonis constante Episcopatu suo acquisitis testari non possit; secus de iis, quæ ante utili propria possedit. Facti species haec breviter proponitur. I. Atellanæ civitatis Episcopus testamento suo nurum, id est, filii uxorem, exerto unciis, & Ecclesiam suam ex reliquis quatuor unciis heredes instituerat. Quo intellecto S. Pont. mandar Antonio Subdiacono, ut hac de rediligerenti inquiratur, &c. si quid Episcopū habuisse cognoverit, id reperata possessoribus; excepto eo, quod eundem Episcopum ante Episcopatus ordinem proprium possedit esse consticerit.

II. Quæ certè decisio S. Pont. protrahenda est & ad ceteros Clericos cuiuscumque ordinis, ut nec hic de rebus quæ sitis post susceprum ordinem clericalem possint testari; nisi & ex ipsis propriæ doceantur, c. 1. c 3 sup. Decretul. Cleric juncto c. Cum in officiis 7. cum duob. seqq. inf. h.s. Ut hinc constet,

Episcopos, aliosque Clericos posselicitē possidere & retinere bona propriæ; quod & probat textus in can. Episcopi 19. cum can. seq. XII. quest. 1. can. 1. & 2. and. quest. 1. c. Quianos 9. & c. Relatum 12. b tit.

Neque obstant textus in can. Clericus 5. cum aliquot seqq. ad qu. 1. quibus Clericis interdictum est aliquid possidere proprii, propterea quod in sortem Domini sunt vocati, nihilque præter Dominum habere debeant; quia hi textus referendi sunt ad tempora primitiva Ecclesiæ, velut jam inde ab Apostolis usque ad ætatem divi Augustini, quibus magis vigebat Clericorum fervor, quo certè deseruient, permisum est Clericis bona propria possidere, sicut constat ex can. Cerd. 18. & d. 19. XI. qu. 1. Imde èd decertum est, quod Clericus habens beneficium Ecclesiasticum, & simul patrimonium, possit in usus proprios redditus beneficii sui convertere, reservatis sibi bonis propriis, ut auerteret Innoc. IV. ad c. Episcopus 4. sup. De probat per text. in c. Cum secundum 16. eodem tit. quam Innocentii sententiam communī calculo probant, & sequuntur alii interpres, tib. Par. norm. & Decio add. c. 4. Etenim dignum est, ut qui servit altari, de altari quoque stipendium ferat, d. c. 16. impr.

Utrigut ad decisionem textus nostri redeamus, ex eo constat, Clericorum bona, si quæ habent, præsumi in dubio acquisita esse ex redditibus Ecclesiæ sive beneficii. Idem liquet ex Nov. Justiniani 131. c. 13. Quo sit, ut ipsis Clericis, sive eorum heredibus, contraria incumbat probatio, ea scilicet esse patrimonialia, vel alias respectu personæ sive Clericis obvenisse: nam præsumptio ejus naturæ est, ut rejiciat probationem contrarium in adversarium, l. Non est verisimile 23. impr. D. Quod meritis causa ges. l. Si filius 8. & l. Sichiographum 24. D. De probat.

Sed major addubitatio est, si certè constet, Episcopum vel Clericum ante receptionem Episcopatus, sive beneficii sui, bona propria habuisse, an ea omnia, quæ tempore mortis penes se resperiuntur, crasieri debeant esse propria, an etiam respectu sive occasione Ecclesiæ acquisita? Et quidem hac de re extat textus in can. 1. XII. quest. 4 quod eo casu inter Ecclesiam & defuncti heredes debeant & qualiter dividiri, ubi scilicet redditus patrimonii, & Ecclesiæ sive beneficii Ecclesiastici & qualiter concurrunt; alioqui juxta quantitatem

sem congruentem divisio accommodanda erit; quod exemplo illustrandum erit. Fingamus enim Clericum habere beneficium 300. aureorum, item redditus patrimoniales 100. Prior deprehensum est sumptus, quos Clericus in se honeste exhibendo impedit; puta 100. aureos; hi enim omnino deprehendi sunt, tamquam stipendium Clerico debitum. d.c. 16. & can. fin. I. q. 2. Restat igitur utrumque 100. aurei, ex quibus res comparata esse censeretur; & sublequenter & qualiter dividendi erunt inter Ecclesiam & heredes Clerici defuncti. Eadem subducentio in euda erit; ubi inaequales sunt redditus patrimoniales & beneficii Ecclesiastici, quemadmodum latius deducit Panorm. ad c. 3. sup. De pecunie Clericis.

Igitur ubi in certum est, an Episcopus vel alius Clericus bona propria haberet, interpretatione fiet pro ipsa Ecclesia, quasi sibil in bonis habuerit tantum Episcopus vel Clericus, per text. nostr. & in d.c. 3. junct. ibid Gl. Idque videatur receptum esse in favorem ipsius Ecclesiae, ne ipsa forte in dubio afficiatur damno; & inodium ipsius Clerici, sed quod inventarius suorum bonorum confidere neglexit, can. 1. xii. qu. 4. can. Manifesta 20. cum e. seq. xii. qu. 1. & can. De Syracusane 13. dist. 2. 8.

In quo tamen cognitione opus erit, datâ adversâ parte, ne inaudita causa injuria ipsi fiat, can. 1. xii. q. 5. junct. De unoquoque 47 impr. D. de re iud. Fortasse enim docere poterit, bona, de quibus contenditur, pervenisse ad ipsum Clericum priuato quodam titulo, puta ex testamento parentum, aut aliorum consanguineorum, vel ex legitima successione, sive legato, sive donatione propinquorum: nam hæc omnia personæ ipsius Clerici, non Ecclesiae imputantur, atque idcirco licet ab eodem Clerico in testamento, vel ab intestato ad heredes suos transmittuntur, vel alio quolibet titulo recte alienantur, d.c. Quianos, c. Relatum 11. & c. Requisiti 15. inf. h. t.

Dixi, parentum, consanguineorum sive propinquorum; nam si ab extraneo hujusmodi relieta aut donata sint, distinctio hæc adhibenda erit, ut & Episcopo, Parocho vel alteri Clerico administrationem Ecclesiae gerenti, quod tunc in dubio censeatur Ecclesiae relieta vel donata: si in aliis Clericis, respectu tantum personæ censeretur relieta; ita ut, si absque ullo discrimine à propinquo, vel ab extraneo donata vel relieta sint, ea sibi vindicare possint, exclusa Ecclesia, d.c. 15. vers. si ab extraneo & l. Annua 20. §. 1. D. De annuis leg. Sed cur tam varie? Opinor, quod in Episcopo, vel alio administratore, Ecclesiae major ratio fuerit

habita dignitatis vel officii, quam personæ, d.s. 1. In Clerico vero simplici nihil aliud occurrit, quam quod is de defuncto vel donatore benemeritus sit, aut hujusmodi familiaritatem contrarerit, quæ defunctum vel donatorem moverit ad relinquentum aut donandum, can. 2. & 3. xii. qu. 3. Et hæc, cum in dubio ita præsumantur, contraria probatione refelli possunt. Uade quo casu aliquid relictum vel donatum Ecclesiae dicatur, possum heredes contrarium probare, & eamdem rem justi sibi vindicare; quemadmodum & contraria, ubi Clerico intuitu persona sua aliquid donatum vel relictum esse dicitur, admittitur Ecclesia ad probandum contrarium, per text. in d.c. 15. vers. si vero loquitur, per text. in l. 4. 7. D. Delegat. 1. Atque hinc sit, ut si aliquid donatum vel legatum fuerit Episcopo vel Parocho alicuius Ecclesiae ab extraneo, qui illi diuturna & magnâ familiaritate coconjunctus erat, idque legitimè probatum fuerit, cesset contraria juris præsumptio, & legatum sive donatum debebitur ipsi Episcopo vel Parocho, non vero Ecclesiae. Panorm. add. c. 15. num. 15 Baldus ad Auth. Licentiam nu. 2. C. De Episc. & Clericis, & facit textus elegans in l. Nemo dubitat § 8. §. 1. De hered. insit.

Sed quod supra diximus de consanguineis, ad § quocum gradus hos consanguineos accipiemus? Et constat ex Novel. Justiniani 31. c. 13. & d. Auth. Licentiam, usque ad quartum gradum; cum ad eum tantum gradum jus naturalis dilectionis verius præsumatur, quam in quinto vel inferiori gradu, idque & communis sententia receptum tradit I mola add. c. 15. num. 33.

Quibus & hoc adjiciendum est, quod de ea, quæ honesto artificio aut doltrinâ suâ acquisiverunt Clerici, etiam constante clericatu, similiter inter Ecclesias bona referri nos debeant, sed propria sint ipsorum Clericorum, adeoque arbitratus suo de ipsis possint disponeri, per text. in can. 2. xii. q. 3. & in d.c. 9. & in c. 12. vers. caterum inf. h. t. Exemplum sit in Professoribus & similibus. Duxi, honesto artificio; propterea, quæ tradit Navarr. in Com. de spol. Cleric. §. 7. nu. 4. cum seq. ubi docereas, quæ ex negotiatione illicite, vel alii modis contra Canones à Clericis conquisita sunt, reservata esse Papæ. Nec moverit text. in c. 5. inf. De heret. nam ibi per extraneos heredes hæretici intelliguntur, juxta Gloss. ibid communiter receptam, teste Covarr. hic num. 3. circumflexum.

Neque impedit textus in can. 34. xii. quest. 2. E. 10. Episcopus, inquit textus, qui filios aut nepotes

non habuerit, alium quam Ecclesiam non relinquit heredem: nam hic textus male à Gratiano insertus Decreto suo, optimè restitus est à Gregorio XIII. in notatione ad eumdem textum dum ex originali impresso, & manu scripto ita reponit: non habens alium quam Ecclesiam, reliquit heredem. Si quid, &c. Poterit igitur Episcopus quem vult heredem in bonis suis instituere, quemadmodum & cæteri Clerici, c. Sint manifesta 21, XII. quæst. 1, o. 2, XII. quæst. 3, & d. c. 9, inf. b. tit.

ii Hic duplex incidit quæstio, An Clericus filius familiæ testamentum condere possit, non obstante patriæ potestate, de iis bonis, quæ constantे clericatu ut pote propria adquisivit? Altera est, An in iisdem bonis impunè præterire liberos, vel parentes suos, ita quod ex eorum præteritione testamentum non iusfirmerit? Quod ad priorem quæstionem attinet, expressi juris est, id Clerico licere, licet adhuc patris potestate continetur: quippe ea bona inter quasi castrænsia recententur, Auth. Presbyteros C. De Episc. & Cler. junt. Et si C. Quæstam fac posse. Eoque magis Episcopale policebit, qui & propter Episcopalem dignitatem patriæ potestate solutus est, Auth. Sed Episcopales C. eod. tit. Et cum hæc bona inter quasi castrænsia recenteantur, consequens est, ut nec usufructus patriæ acquiratur, per text. in l. 6, C. De bonis, que liberis in pote const. &c. Loquitur verò de bonis à Clerico acquisitis non ex redditibus Ecclesiæ sive beneficii sui, de quibus paulè post, sed quæ intuito personæ suaæ acquisivit, sicut supra explicavimus.

iii Quo verò ad alteram quæstionem, constat quidem ex l. fin. C. Deinoff testam. & ex l. 34, C. De Episc. & Cler. permisam esse Clerico hanc præteritionem liberorum & parentum; sed an illud iure Novellarum correctum sit, Novell. 115. o. 3, inter Dd non convenit: siquidem controvertunt, quo sensu accipienda sit in d. Auth. Presbyteros, hæc verba, Sic tamen, ut horum filii, aut, his non extantibus, parentes eorum legitimam ferant partem; an scilicet his verbis legitima sit relinquaenda filiis, sive parentibus jure institutionis, an verò, si præteriti sint, pertere eam debent conditione ex d. Auth. Et certè proprius est, legitimam jure institutionis relinquendam esse. Moveor aperio textu in d. c. 3, &c. 4. quibus locis liberis interdictur, ne in iis bonis, in quibus testamenti condendit potestarem habent, filios suos, aut parentes absque legitima causa prætereant, aut exheredent, sed eos heredes instituant.

Nec obstat textus in d. c. 9, inf. b. tit. in verbis lib. 13, rē disponere valeant, quomodo Panormi ibid. putat testamentum Clerici non infirmari ob præteritionem filiorum, vel parentum: idque confirmat argumento ducto à milite sæculi ad militem Dei, id est, Clericum: nam ille hoc privilegio uitatur, quod licet possit filios vel parentes suos præterire, per text. in l. Sicut certi 9. C. De testam. milit. §. 7, Inst. De exhered. liber. Sed fallitur Panormi, nec enim rectè sequitur: Clericus potest libere de his bonis disponere ergo & præterire liberos, & parentes. Verum subaudiendum est, domine adhibeat, quæ alias ad testamenti confectionem necessariò requiruntur, per text. in l. Generali 13, C. de SS. Eccles. Inter cætera autem, inquit Cajus Juris. quæ ad ordinanda testamento necessariò desiderantur, principale jus est de liberis hereditibus instituendis, vel exheredandis; ne præteritis iis rumpatur testamentum, text. est in l. 30, D. de liberis Episcopis. Idem est de parentibus instituendis vel exheredandis, d. c. 4. Sed neque moveat Panormi, argumentum à milite sæculi deductum: nam præterquam quod pugnâ non caret, an miles hodie jure possit liberos & parentes suos impunè præterire, propter text. in d. c. 3, cum dub. cap. seqq. non tamē recte inde efficitur, Clericum licet præterire posse in testamento suo liberos, & parentes; cum plura privilegia induita sint militi in expeditione degenti, quām Clerico, sicut constat ex tit. Inst. & dig. de mil. testam. juncta a l. 13.

Cæterum regrediendo ad terrum nostrum, in d. c. 1 ejus decimo, & similium cap. non tantum locum habet in fructibus, redditibus, & aliis rebus in immediata ratione Ecclesiæ sive beneficii Ecclesiastici acquisitis, quas certum est à Prelato, vel alio Clerico ex testamento, vel ab intestato ad heredem transmitti non posse, verū etiam, quæ ex iis comparata sunt suo, vel alieno nomine: adeò ut, si fecerint, crimen sacrilegii incurvant, & Iudea proditori similes habeantur, per text. in c. 4. sup. De pœnal. Cleric. in can. 3. XII. quæst. 4. Quippe Episcopus, cæterique Clerici id tantummodo juris habent in bonis Ecclesiæ, ut ex eorum redditibus honestè vivant, sumptusque faciant necessarios, & qui convenienter statui eorum, can. Episcopi 19. can. Ex his 21. cum can. seq. XII. quæst. 1. & in princ. dist. 44. ubi referunt illud Hieronymi: Tibi, ô Sacerdos, vivere de altaris permittitur, non luxuriariri. Et D. Ber. Epist. 1. Denique, inquit, quidquid præter necessarium vicium, & simplicem vestitum de altari retinet,

retines, tuum non est, rapina est, sacrilegium est. Citat Covarr. in c. 7, num. 7, inf. eod.

¹⁴ Non tamen prohibetur Clericus redditus beneficiorum sui erogare in priam causam, maximè in pauperes, secundum illud, Luca 1, vers. 41, Quod supereft, date eleemosynam, sive illi, qui eleemosynam recipiunt, consanguinei sint, sive alii, &c. Ad hanc dicitur Rolutum 12, inf. eod. & can. Quisquis 19, q. 2, Hinc Ecclesiæ bona dicuntur Christi patrimonium in Exco 34, De elect. lib. 6, item bona Dei, in d. can. 10, Unde & Conc. Trident. sess. 25, cap. 1, in deo de reform. sanctissimè cavit, ne Cardinales, Episcopi, aliisque beneficia Ecclesiastica obtinentes, consanguineos, familiaresve suos ex redditibus Ecclesiæ augere studeant: cum Apostolorum Canones (addit idem Conc.) prohibeant, ne res Ecclesiasticas, quæ Dei sunt, consanguineis donent; sed si pauperes sint, iis ut pauperibus distribuant. Quare cum hæc in omnibus Clericis obtineant, rejiciendum est planè discrimen Glossæ in c. ult. in V. reservari De officio ordin. lib. 6, quo loco putat hæc non procedere in simplici beneficiato, sed tantummodo in eo Clerico, qui administrationem Ecclesiæ habet; siquidem nulla ratio diversitatis hoc discrimen suadet. Nam & ex eo sequeretur, quod simplex beneficiatus de fructibus beneficii sui testari possit, vel eos ad legitimos suos heredes ab intestato transmittere; quod certè pugnat cum c. Cum in officio 7, & seq. & d. c. 12, inf. eod. & cum decreto Concilij citati. Neque his obstat interpretatio Franc. Sarmienti in tract. suo de Roditib. Ecclesiast. p. 4, c. 6, num. 14, ubi vult, prædictum decretum Concilii Tridentini non esse præcepti, sed magis debitum charitatis resperisse, & Clericos offici sui potius admonuisse de non ditandis consanguineis &c. Nam refragatur huic interpretationi textus ipse Concilii, dum his verbis uitetur: Omnia vero deles interdit, ne ex redditibus Ecclesiæ, &c.

¹⁶ Unde quæ de fructibus, & redditibus Ecclesiasticis acriter à Dd. disputantur, præsertim à Mart. Navaro & Franc. Sarmiento in lib. suis de Redditibus Ecclesiæ, utrum scilicet Clericorum sint domini, facile ex his, quæ dicta sunt, dirimatur: nam certius est, eos non esse verè dominos, nisi quatenus sacri Capones permittunt, uti in progressu hujus Tit. declarabatur. Ut non obstat textus in c. un. De Cler. non resident. in 6, quo loco à contrario sensu colligitur, dominium distributionum quotidianarum, quæ præsentia vulgo vocantur, transire in recipientem Clericum, si præsens

officio Ecclesiastico interfuerit. Nam tametsi argumentum à contrario sensu non procedat, ubi contrarium ei in jure expressum est, sicut latè docet, Nic. Everardi in Loco à contrario sensu nu. 4, nihilominus responderi potest, eas quidem fieri recipientis, sed dumtaxat ad hunc effectum, ut modo impendat, quo alios Ecclesiæ redditus. Ex his igitur observa, Clericum de redditibus Ecclesiasticis testamentum facere non posse, nisi modo prædicto; quia testamentum de rebus suis conditur, non alienis, ut constat ex definitione testamenti & ex Auth. Ingressi C. De SS. Eccles.

Verum hic duplex rursus quæstio suboritur: una, An res ex Ecclesiæ redditibus vel pecunia comparatae ipso jure Ecclesiæ cedant, an potius sint ipsius Clerici ementis altera, Utrum conseruando valeat, quod Clericus de fructibus sive redditibus Ecclesiæ vel beneficii sui testari possit? Utraque quæstio non parvi momenti est.

Quod ad priorem attinet, existimat Hostien. ¹⁷ & Joao. Andr. prout videre est apud Imolam in c. 4, num. 3, sup. De pecul. Cleric. talem item non Ecclesiæ, sed emptoris fieri, l. Siex ea 6, C. De rei vind. & totipot. C. Si quis alteri vel sibi, &c. Neque enim de jure Canonum aliter expressè cautum reperiatur: unde in hac re stamus decisioni juris civilis, c. 1, § 1, inf. De novi operis nunt. Verum è contra Glos. in d. c. 4, putat hujusmodi rem Ecclesiæ esse, quemadmodum & eam secutus Panorm. & communiter Dd. hic, exemplo militis, l. Si ut proponis 8, C. Derei vind. & minoris vigintiquinque annis, l. 3, C. Arbitr tut cui Ecclesia comparatur, c. 3, § 1, un. sup. De in integrum restit. Et probat textus hic in d. c. 1, in fine, dum inquit, in ejusdem Ecclesiæ domino conservetur Nihil autem in domino Ecclesiæ conservari potest, nisi antea fuerit in domino. Et hæc posterior sententia & quior &erior videatur, utique in Prælatori sive alio Clerico administrationem Ecclesiæ habente; ut, si is ex Ecclesiæ redditibus vel pecunia rem comparaverit, statim Ecclesiæ facta intelligatur, etiam absque ulla traditione, l. fin. C. De sacros Eccles. & multò magis, si & traditio intercesserit. Et ratio est, quia in dubio præsumitur res nominis procuratorio empta & tradita fuisse, per text. c. 2, sup. De donat. at per procuratorem nobis dominium & possessionem acquiritur, §. Ex his itaque inf. Per quas person. cuique acquir. Unde etiam jure receptum est, quo magis Ecclesiæ cautum sit, ut instrumentum emptionis nomine conficiat, sub pena sacrilegii, c. 2, & c. 4, sup. De pecul. Cler. In aliis vero Clericis

puto priorem sententiam veriorem esse, per iuris
ibid. allata. Neque nos movere debent exempla
militis, & minoris vigintiquinque annos; quia sin-
gulare jus continent, ac proinde ad hunc casum
nostrum trahi non debent, per textum in c. 9, inf. De
privil. quod & probat. Covarr. hic ad c. 1, num. 7. Et
cum idem hic textus noster loquatur de Episco-
po, qui Ecclesiæ sua administrationem habet,
non mirum est, si dicat res ab eodem quæstas in
ejusdem Ecclesiæ dominio conservari debere. At-
que hæc in dubio procedunt: nam si coegerit, Prä-
latum sive alium Clericum, rem suo vel alieno
nomine comparasse, servanda erit juris civilis re-
gula, quæ ea, quæ alienæ pecunia æquuntur, fiuat
emotoris, non verè ejus, cuius pecunia empta
sunt, l. 1, l. Multum 6, & l. Qui aliena 8, C. Si quis al-
teri, vel sibi. & d. l. Sixta 6, C. De rei vend. ex ratio-
ne d. l. Multum, quia Clericus hoc casu Ecclesiæ
sua noluit acquirere, atque ideo sua res est potius
quam Ecclesiæ. Sed interim eo onere affecta est,
ut teneatur Clericu[m] emptor eam relinquere Ec-
clesiæ suæ, adeò ut in aliis transferre non pos-
sit, e. 1, c. 3, c pen. & ult. sup. De pecul. Cler. & d. c. Cum
in officio 7, inf. h. tit. Ecclesiæ autem nomine hoc
loco intelligitur Collegium Canonicorum, ubi
is, qui decellit, è numero Canonicorum fuit: si
Prælatus sive alias administrator, ut sunt Paro-
chi, Präpositi, &c. successores, hoc est, qui in co-
rum locum & administrationem surrogantur, per
text. in d. c. 13, inf. h. t. Quare Jul. Clar. in §. Testa-
mentum qu. 27, vers. 3, recte monet Prælato[s] sive
Clerico[s], ne in fraudem Ecclesiæ suarum per-
terias personas prædia acquiri carent ex pecunia
per eos cumulatis ex fructibus beneficiorum suo-
rum, ut ea postea ad propinquos suos perveniant:
quia, inquit, dum alios fallere putant, scipios po-
tius desiciunt in æternum vita iheritum. Deum
enim fallere conantur, cui tamen nihil est occul-
tum. Cui convenit text. in d. c pen. sup. De pe-
cul. Cler. Inquirendum est, inquit text. si quis
Clericorum de redditibus Ecclesiæ, vel oblationi-
bus, vel votis fidelium, alieno nomine res com-
paravit: quia sicut nec suo, ita ne alieno nomi-
ne Presbyter fraudem facere de facultatibus Ec-
clesiasticis debet, quoniam hoc sacrilegium est
& per crimini Judæ furis, quis sacras oblationes
asportabat & furabatur. Atque hæc de priori
questione.

¹³ Quoad alteram questionem, Anscl. consue-
tudo valeat, quæ permitteatur Clerico testamenti
factio de fructibus, aliisque obventionibus Ec-

clesiasticis, sive quæ ex iis sunt comparata, an-
ceps disputatio est. De jure quidem scripto ex-
pressè constat, id Clerico cuiuscumque ordinis
non licere, ut & suprà membra eius, & ne quidem
in piam causam, c. Ad hac 8, cum e seq. b. t. Verum
de consuetudine meritò dubitatur, eo quod hæc
juri scripto derogat, per text. in c. ult. sup. De con-
suet. Quare Did. Covarr. in d. c. Cum in officio 7,
num. 23, existimat hanc consuetudinem valere,
camque confirmare nititur tribus argumentis:
primò, propter tacitum consensum S. Pontificis,
& orbis Christiani, quia talen consuetudinem
tacitee consenserunt, nullatenus eam improban-
do. Secundò, quia privilegio S. Pontificis id ob-
tineri potest, ut est extra omnem controversiam;
ergò & consuetudine, cujus initia non extat me-
moria, idem induci potest, quippe hæc privilegii
instat est, c. Super quibusdam 26 §. 1, inf. De verb.
sign. & l. 3, §. 4, D. De aqua quotid. & soliva. Ter-
tiò, quia valer consuetudo, quod fructus benefi-
cii vacantis per aliquod tempus defuncti heredi-
bus vel alii applicentur, c. 2, §. 1, De elect. in Ex-
travag. Ioan. xxii. ergò & consuetudine intro-
duci potuit, ut idem in testamento fiat. Quæ cer-
tè argumenta etiæ momentum habere videantur,
tamen aliorum contraria sententia verior est, &
apud omnes Dd. recepta, in d. e. Cum in officio. Et
probavit eamdem Panorm. ibid. num. 3, Cavar. in
Comment. de Spoliis Cleric. §. 14, & confirmat text.
in d. c. Relatum 12, vers. Licet h. t. Licet autem mo-
bilis, inquit text. per Ecclesiam acquista de ju-
re in alios pro mortuis arbitrio transferri non
possit, consuetudinis tamen est non improban-
da, ut de his, pauperibus & religiosis locis, & il-
lis, qui viventi servient, sive consanguinei sint,
sive alii, aliqua juxta servitii meritum conferant:
Ecce certi casus, quibus consuetudo uti rationa-
bilis toleratur in datis vel relictis à defuncto
Clerico. Ex quo inferatur, consuetudinem in ca-
teris casibus non valere, tamquam irrationabi-
le, utpote onerosam Ecclesiæ, quæ certè à ju-
re improbantur, in c. 1 sup. De conseq.

Pulchritate ramea Panorm. id restringit ad res im-
mobiles magi pretii; nam in rebus mobilibus,
quæ exigui præjudicium sunt, putat restandi con-
suetudinem valere, sicut & consuetudinem eas
donandi, per text. in c. 3, sup. De donat. Neque ob-
stant argumenta contraria. Nam quod ad pri-
mum attinet, de confessu S. Pont. & orbis Chris-
tiani, contrarium docent Extravag. Pauli III,
Julii III, & aliorum SS. Pontificum, quibus Cle-
ricorum

corum spolia, id est, bona ex redditibus Ecclesiasticis quæ sita, post eorum mortem reservantur. Sedi sive Camera Apostolica, sicut videtur est apud eundem Navar. in d tract de Spol. Cleric. §. 5. & seqq. de quibus opportuniū agetur infra. *Ad c. 1, inf. De successione in testam.* Tantummodo sufficit hic attigisse, quod S. Pont. in hanc consuetudinem ne quidem tacitè consentiat. Deinde et si S. Pont. toleret talen consuetudinem, non tamen censetur illam approbare, per text. inc. Cum jam dudum 18, in fine sup. De prob. ubi his verbis Innoc. III. multa ait per patientiam tolerari, quæ si deducta essent in judicium, exigente justiciâ non deberent tolerari. De consensu orbis Christiani ne id quidem verum est, cum hodie, ubi testamentum Clerici toleratur, non aliter id fiat, quam ex permissione Episcopi vel Capituli; & memini ipse audi-

visse quandoque contrarium in Italia.

Secundum argumentum defendi posset, nisi consuetudo expressè à jure improbata esset, d.c. 1 sup. De consuet. vel ubi talis est consuetudo, quæ ratione nititur; ut si pauperibus, religiosis locis, vel illis, qui viventi Clerico servirunt juxta servitii merita testamento aliquid reliquatur. Neque etiam S. Pont. presumitur privilegium standi, nisi ex hac vel simili causa, concedere.

Tertium argumentum rectè procederet, si eo probaretur, si nullus vacantis beneficij consuetudo ad laicos heredes ipsius Clerici spectare posse: verum textus in d.c. 2, §. 1. exaudiendus est de personis Ecclesiasticis, quod videlicet haec frumentus ejusmodi consuetudine acquirere possint, sicut rectè ibid. interpretatur *Glossa in V. vel personis.*

In Cap. Nos quidem 3. c. Si heredes 6. c. Tua nobis 17. &c. pen.

S U M M A R I A.

1. *Executores testamenti constituti solent vel ipsum heredes, vel extranei.*
2. *Executori extraneo adversus heredem an & qua actio detur.*
3. *Executores qui constitui possint.*
4. *Nomine constituto, executio ad heredem pertinet.*

His Capp. agitur de executoribus testamentariis, qui nouum quam a testatore in testamento nominari solent, vel ipsum heredes constituti intelliguntur, idque in piam vel profanam causam: piam, puta ut Monasterium, vel Ecclesia extruatur, sive in pauperes, vel alium pius usum pecunia vel alia res conveyratur: profanam, ut creditoribus satisfiat, dominus edificetur, & similia ad profanum usum spectantia. Et quidem dubium non est, hæc à testatore defuncto imponi posse heredibus vel aliis extraneis. Heredibus ideo, quod bi teneantur implere defuncti voluntatem; adeò ut, si moniti per judicem intra annum non impleverint, auferatur ab iis hereditas, & aliis applicetur, juxta Nov. 1, §. Hui igitur, cum §. seq. & c. 6, b.t. Executor vero extraneus, hoc est, qui heres institutus non est, licet defuncti mandata suscipere non cogatur, si tamen semel suscepit, tenetur exequi, per text. in c. Tua nos 17. & c. Ioannes 19, insi eod juncto §. mandatum non suscipere insit. De mand. Nisi tamen hic

executor extraneus sit legatarius vel fideicommissarius, qui perdit legatum suum sive fideicommissum, si monitus à judice voluntatem defuncti non impleverit, d.c. 1, cum c. seq. & Novel. 131, De Ecclesiast. tit. §. si quid autem 11.

Cæterum, ut hæc res tota planior reddatur, subiicienda sunt à nobis duæ Conclusiones, quarum hæc prima sit: † Executor extraneus nullam habet actionem adversus heredem, ut petat sibi tradiri rem ad executionem necessariam, sed debet implorare officium judicis. Quod nullam actionem habeat, probat text. in l. Lucius 78, §. 1, D. Ad S. C. Trebell. nam licet heres aedundo hereditatem quasi contrahere dicatur cum legatariis & fideicommissariis, §. 6, Insit. De oblig. qua quasi ex contr. nasc. non tamen cum ipso executore testamentario; cum hujus non inter sit, voluntatem defuncti impleri. Siquidem actio est jus persequendi in judicio, quod sibi debetur, tit. Insit. De action. §. 1, & l. Si procuratorem 8, §. 6, D. Mandati. Ne autem ideo testatoris voluntas cassa & irrita sit, necessariò ad officium judicis recurrit, quod deficientia actioni succedit, per text. in l. Hereditas 50, in fine D. De hered. pet. juncto l. 1, in verbis, & non sint cassa judicia ejus, C. De sacro. Ecele. & l. Quintus 7, D. De ann. legat. Tametsi hoc amplius sit in hereditate vel legato relatio in alimenta pauperum, vel in redemptionem captivorum, ut non solum executori, sed & Episcopo, cum executor à testatore nominatus non est, immo his ne-

gligen-